

بو قدر صحتي بر قانون اوله ماز . نو آيت كريمه ايله « المعدة بيت الداء والحمية رأس الدواء واعط كل بدن ماعودته » حديث شريف طيبك خلاصه سيدر . نتهكيم هارون الرشيد زمانده يتيشن غير مسلم بر طبيب « مسلمانلق جالينوسه بر ايش بر اقامش ! » ديمشدر .

محمد عاكف

بسم الله الرحمن الرحيم

« قد نرى تقاب وجهك في السماء فلنولينك قبلة ترضاها فول وجهك شطر المسجد الحرام ... »

ترجمه مال منيفي

« اي نبي اجل ! اميد نزول وحى منزله صيق صيق مبارك يوزكي سمت سمايه ، بارگاه اجتمزه چور مكدده اولديغكي - شهبه سزدر كه - كوريور و آرزوي وطن پرورانه كي بيلوريز . دعاك نزد الوهيتمزده مستجابدر . شان عظمت وكبريامزه قسم ايدرز ، كه سني مشتاق ومتحسر اولديغك قبله ابراهيمه ، بيت مطهر ومطر مزه چوريه جكر . مستريح اول ! هايدى كوشن جالكي مسجد حرام جهته چور ! »

سلطان اقليم نبوت وخاتم باب رسالت « عليه الصلاة والسلام » افنديمز حضرتلري قبل الهجره « قرة عين » لري اولان فريضة مقدسه صلاتي قدس شريفده مسجد اقصايه متوجهاً ادايه مأمورايديلر . مدينه منوره يي قدوم رسالت پناهيلريه مغبوط بلاد وامصار بويوردقدن صوكراده اون آلتى آي قادار صخرة الله دوغرو نماز قيلديلر . بوتوجه سفهاء يهود ايچين باعث غرور و افتخار اوليوردي . ديورلردى ، كه : « ايشته نبوت دعواسنده بولونان ذات « صلح » بزم قبله مزه دوغري نماز قيليور وديمرك رجحان فضيلتي فعلاً تصديق ايتمش اوليور . » بو حقسنز ادا بالطنع قلب همايون رسالت پناه يي رحيمده ايتمكدن خالى دكلدى . ذاتاً حب وطنله بطحايه وخصوصيله كعبة الله العليايه منجذب اولان او قلب رحمت پناه قبله مك تحويل تمناييله دائماً وحى حقه منتظر بولونيوردي . او كوشن جمال ، صيق صيق سمت سمايه قلب ايديور ، امين الوحيك ، زده اجابتله نزولنى بلكه يوردي . نهايت حضرت جبريل بو آيت جليله اجابتى حاملاً نازل وكمال بشاشته حضور اقدسه داخل اولدى . قاضى بيشاوى مرحوم ديور كه : « آيت جليله عليه الصلاة والسلام افنديمز حضرتلري بنى سلمه مسجدنده جماعتله نماز قيلاركن شرف بخشاى نزول اولدى . نماز ايچنده صخرة اللهدين كعبة عليايه دونديلر . اركك وقادين صفلى بجايش موقع ايتدى . » حاصل : تحول قبله بر حادثة فوق العاده صورتنده وقوعبولدى . حتى - امام بخارى حضرتلرينك قرآن ثانى اولان صحيحنده مضبوط

اولدينى وجهله - اوصلاة القبلتين ده حاضر بولونمش اولان صحابه كزيندن (عباد بن بشر) حضرتلري ايرتهسى صباح وقتى مسجد قبايه اوغرايدى . بو حادثة تحولدن خبرى اولميان قباها اليه سنك قبله منسوخهيه دوغري نماز قيلمقده اولدقلىنى كورونجه يوكسك سسله كيفيتى اخبار ايتدى . اولرده نماز ايچنده مسجد الحرامه دونديلر .

ايشته مدينه منوره خارجنده (قبلتين) عنوان مفخرتيله مشار بالبنان اولان اومقدس سجده كاه بنى سلمه قبيله سنك مسجدى ايدى . ايشته سزه سلطان سرر لولاك « عايه الصلاة والسلام » افنديمز حضرتلرينك حب الوطن تجليات قدسيه سندن بر صفحه لاهوتى ! بوتون مفسرلرك « حسرت واشتياق » ايله تفسيرده متفق بولوندىلر « ترضاها » نظم جليلي وطن محبتنده لاهوتيتك ناسوتيته نه قادر ملتفت اولديغنه ، بومحبويتله ناسوتيتك فخر ومباهاته به درجه ا كتساب حق ايتديكنه پارلاق بر دليلدر .

ولى النعمت جهان انسانيت و اسلاميت « عليه الصلاة والسلام » افنديمز حضرتلري « نك لطفاً مشمول نظر محبتلري اولان كعبة عليا وكذا روضة مطهره ومطره لري بزم ايچين ندر ؟ برى ايمان قادر معزز ، ديكرى قرآن قادر مقدس ! وطن اسلامك ، حقيقتنده شهنشاهى او ! ملت خيفك افنديسى ، ولى النعمت يكانهسى او ! وطن اسلام ، حرمين محترمين ك سور شوكت واجلالى ! بيكلرله مساجد الهيئه نك ، بيكلرله جوامع شريفه نك محرابلري نرهيه متوجه ؟ مسلمان ايسه ك وطنمزي دينر ، ايمانر قادر سهوهم ! كعبة العليا نك ، روضة مطهره رسول كبريانك سور شوكت واجلالنى محافظه اوغرينده برجان ، بروجود اولديغمز حالده بلاتردد فداى جان ومال ايدم ! زيرا اوسور چيكنه نيرسه ! م . فخر الدين

مدافعات دينيه

تعلم نبي ادعاسنه رديه

مناسبيله

سياسيات واخلاقدن مثال اتيانه احتياج كورولمز ايسه ده - چونكه هر هفته سبيل الرشادك ايلك مقاله سنى تشكيل ايدن تفسير شريفى او قومق كفايت ايدر - ينه بر مثال ايراد ايدم :

جناب پيغمبر صلى الله عليه وسلم افنديمز حضرتلري بر حديث شريفده « كانكونون يولى عليكم » بيورمشدر . سز ناصل اولور - سه كز اويله جه تولى واداره اولونورسكز ؛ يعنى سزه كوره حكوم - مت مأمورلري ، واليلر ، اداره مأمورلري بولونور ؛ اولر ، سزك باشكزه كجر ، سزى اداره ايدرلر . قصورى هب كنديكزده آرايكز ... سياسياتده نه مهم بر دستور حكمت اولان شو حديث شريفك ،